

A2^r

Dem hochgelertiften Collegiat/
vnd vermeyneten Poeten zu
Leiptzig/ Johan. Myriti Onos.

WJr fügen dir
du hochgelertifter Col
legiat vnd vermeinter
Poet zu wiffen/ das
dem ketzer Martin
Luther/ dein anders
ytziges buch worden
ift/ ehe denn vns/ vnd
er wolt vns nicht ge-
ftatten/ das wirs aber
mal illuminierten/ fondern sprach also/ der Efels
kopff illuminiert sich felbs allzuwol/ vnd warffs
ynn winckel. Wir wundern vns aber deiner grof-
fen vndanckbarkeit/ das du nu allererft/ durch vn-
ser illuminieren/ gelernt haft/ wie du der fachen zu
geringe feyest/ vnd fie nicht verfteheft/ wie du itzt
von dir selber zeugest/ vnd magst vns nicht dafür
dancken/ Aber wenn wir nicht deiner vermeyne-
ten Poeterey fchoneten/ fo wolten wir doch ia spre-
chen/ das du ein ehrlofer lügenhaftiger bube we-
rest/ der du eine frome fraw/ als ein gemeyner
Richter/ öffentlich fur aller welt vrteyleft vnd aus-
fchreieft fur eine trewlofe/ meynedige/ verlauffene
hure/ vnd spricht doch/ du wiffest vnd verfteheft
die fache nicht/ Wo haftu rotzleffel die tugent ge-
A ij lernet

A2^v

lernet/ leute zu schenden/ vnd doch bekennen/ du
versteheft es nicht vnd seiest der sachen zu geringe?
Vns wundert/ das du so kune magst sein/ vnd zu
Leiptzig auff der gassen gehen/ da fouiel trefflich^r
er redlicher burger/ vnd ynn der hohen Schule so
viel auferlesene menner/ Doctores/ Magiftri vnd
Studenten sind/ gegen welche du nicht anders
bist zu rechen/ denn als der pferd dreck vnter den
öpffeln/ Noch ist dein vbermut so gros/ das du
vnflat vnd stanck der löblichen stad vnd hochbe^r
rumbter Schulen/ alleine erfür brichst/ vnd sin^r
gest vnter den schönen öpffeln zu Leiptzig/ Nos
poma natamus/ als werestu das eynige kleinot zu
Leiptzig/ vnd die andern gegen dir eitel vnflat vnd
dreck/ daran man wol spüren mag/ das du gro^r
ber rotzleffel vnd Efels kopff/ keine zucht noch eh^r
re yhe gelernet haft/ vnd solche feine leute nicht
achteft/ die du zu rat soltest nemen ynn deinem
schreiben/ odder an deinen hut gegen sie greiffen/
Soltestu doch schwitzen fur schanden/ wenn du
ein haus zu Leiptzig ansehest/ vnd dencken/ das
steine vnd holtz deine vntugent sehe vnd dich an^r
speyhet. Aber weil du ein vermeynter Poet bist/ wol
len wir folchs schweigen/ du möchtest sonst zornig
werden/ vnd widder die lesterfchreiber procedirn/
Derhalben wir vns fürchten/ vnd bedacht/ besser
sein/ deine freundschaft zu haben/ vnd bitten du
wollest vns gnedig sein/ vnd zum warzeichen vnser
demut/ schicken wir dir hiemit/ ein freundlich ge^r
schenck/ eine neue Fabel/ damit deine Poeterey ei^r
ne materie habe/ sich zu vben vnd ehre zuerlan^r
gen/

A3^r

gen/ Denn wir gefehen/ weil du Ecolampad mit
ruten ausgefrichen/ erleugelt/ das deine müffige
kunft vrfach fucht/ fich zubeweifen/ Erleuben
aber dir/ als einem vermeynten Poeten/ wo du fol
che Fabel wilt zu ferlen odder zu fuffen machen/
das du wol magt/ fünff fuffe ynn einer ferlen fetz
en/ odder auch wol lieben/ vnd nicht wie ander
Poeten thun/ nur sechs fuffe brauchen/ Wie wöl-
teftu fonft ein vermeynter Poet fein? So haftu
auch gut Exempel/ Hat doch ein pferd nur vier
fuffe/ vnd eine raupe bey zwenzig fuffe/ Solt deñ
dein Poeterey nicht auch fuffe machen/ wie viel fie
wolte? Ein laus hat sechs fuffe/ drumb find aller
ander Poeten eitel laufichte verfe/ mit yhren sechs
fuffen/ Myriti Onos ift allein ein reyfiger Poet/
mit fuffen/ wie er wil. Kanftu aber deinen zorn
nicht brechen/ vnd wilt vns ia freffen/ fo
bitten wir dich/ du wolteft vnden am
gefesse anheben/ fo hetteftu kom-
pelt vnd fenff zuuorn.

Die Illuminiften der
bücher Myritiani.

C1^v

Dem geftrenen vnd vheften
 H. V. B. meinem gũnftigen herrn
 vnd lieben bruder.

MEin willigen dienft
 zuuor/ Gũnftiger herr vnd lie-
 ber bruder/ Des Myritianus
 ander bũchlin/ fo yhr habt zu
 mir gefchickt/ ift mir zukomen/
 Sols anders ein ander bũch-
 lin fein/ Denn mich dũnckt/ es
 fey das vorige/ fie haben vil-
 leicht das erfte nicht kũnnen vertreiben/ das fie
 die not gezwungen hat/ den letzten fextern vnter
 einen andern ſchleyer zufchmũcken/ Odder aber
 Myritianus kunft ift fo leichte geweft/ das fie fo
 bald vertrocket ift vnd nichts mehr kan/ Sie ha-
 bens fein ausgericht die lieben leffel/ Bekennen
 felber/ fie feyen der fachen zugerunge/ vnd haben
 ſich doch vnterftanden widder dieſe fache zuſchrei-
 ben/ das ſolten fie vor bedacht haben/ vnd ſchrei-
 ben was fie kũndten/ wie fie Horatius leret/ Ver-
 fate diu quid valeant humeri. Mich wundert/ das
 der Rector der Vniuerſitet/ den narren nicht ver-
 beudet/ yhr thõrichts ſchreiben/ damit fie eitel ſch-
 ande brawen/ wie yhr felbs auch anzeiget ynn ew-
 rem brieffe. Aber yhr feid auch zu gar Lutheriſch/
 vnd macht des ſpottens vnſer Leiptziffchen Poe-
 ten zu viel/ Sie ſind nicht alle zu Leiptzig Myritia-
 niſch/ fie haben felbs feine Poeterey fur narrheit/
 vnd

C2^r

vnd kinderwerck/ Jch war newlich ynn einer gutten gefelchafft/ da Myritianus das schaw effen muſte fein/ etliche fluchten yhm/ etliche hieffen yhn/ nicht Myritianus/ ſondern Myriti Onos/ (Es ſol aber Onos ein efel heiffen ym Griechiffchen) Etliche meyneten/ wo es hertzog George wüſte/ das er ein ſolcher ftoltzer efel were/ er würde yhm die Collegiatur widdernemen/ vñ die ftad ver bieten/ Es war yhr aller klage/ das ſie des Myriti Onos halben/ bey gelerten leuten/ allenthalben ſich ſchemen müſten.

Jch wolt fein beſtes reden vnd wendet für/ er hette doch neben ſeiner ſchrift/ Ambroſij Epitel verdeudſcht vnd auslaſſen gehen/ des ſolte man billich ſchonen/ Da kam ich recht an/ Ja ſprachen ſie/ du trieffts werlich fein/ Es hatte Myriti Onos nicht gnug/ ſeinen efelſkopff an dem Luther zubeweifen/ Er muſts auch an S. Ambroſio beweifen. Ambroſius ſchreibt von einer Nonnen/ die zur huren wordē war/ ſo zeuchts Myriti Onos auff ein eheliche Nonnen/ Das kan ein grober efel fein/ der huren vnd frome ehewrauen fur einerley hellt/ Sie ſagten auch/ wie ſpitzig vnd hönifch die Lutheriffchen zu Wittemberg auff die ſind/ die eheliche Nonnen fur huren ſchelten/ geben fur/ das ſolchs ſey viel mehr den Bapft geſchendet deñ den Luther/ Vnd zeigten mir an/ wie der Luther newlich hette Büchlin laſſen ausgehen/ darynn er bewert/ das der Bapft felbs München vnd Nonnen/ offt die ehe erleubet hat. Sind denn etlich Nonnen huren/ ſo ſey der Bapft ſolcher huren vr-

C ij fache

C2^v

fache/ lerer/ vater vnd ſchützer/ Wer nu den Luther drüber ſchülte/ der mus den Bapft auch ſchelten/ drumb habe Myriti Onos mit ſeinem buch/ den Bapft auffſ aller höheft geſchendet/ Vnd ſolt er den namen Luthers auffen laffen/ vnd gen Rom ſchreiben/ das eheliche Nonnen huren weren/ der Bapft ſolt yhm vñ ſeinen herrn/ wol ſchreiben lernen/ was eheliche Nonnen weren.

Vnd dünckt mich zwar ſelbs ſchimpfflich ſein/ das man eine Nonne/ ſo der Bapft ehelich macht/ ſolle ein frum fraw heiſſen/ vnd wens ander thun/ ſolle ſie ein hure heiſſen/ Es macht vns der Bapft ſelbs yrrer/ mit ſeinem diſpenſieren/ das ich ſchier nicht weys/ wer koch odder keiner iſt/ On das ich wol mercke/ das/ wer den Bapft fur recht halten wil/ dem ferlich ſey/ den Luther anzugreifen/ weil der Bapft ſelbs fur recht helt/ thut vnd leſt/ was der Luther leret zu thun vnd zu laſſen. Sie lieſſen mich einen brieff leſen von Wittemberg/ darynn ſtund/ das der Luther nichts liebers hat/ denn das die Papiften viel vnd getroft/ widder bey derley geſtalt/ vnd der geiftlichen ehe ſchreiben/ ſchelten vnd fluchen/ denn er ſpricht/ ſie vberheben yhn der mühe damit/ das er nicht dürffe widder den Bapft ſchreiben/ ſie thun yhm einen dienſt dran/ ſchelten yhr eygen heubt vnd herrn/ beiſſen vnd freſſen ſich alſo ſelbs vnternander/ weil ſie nichts widder yhn ſchreiben/ das auch nicht zu gleich wider den Bapft yhren eygenen lerer ſey/ vñ lachet der feinen Jünger vnd ſchüler/ die yhren eygenen meiſter alſo mit leſtern bezalen.

Sie

C3^r

Sie meyneten auch nicht/ das die Epiftel S. Ambrofij fey/ Denn S. Ambrofius fey wol ein feiner tapfferer man geweft/ denn das er eine folche vngefchickte Epiftel folt fchreiben/ Sie hielten fie auch nicht gerne fur S. Hieronymus Epiftel/ wie wol der felbige/ pflegt/ weñ er zornig ift/ den balcken yn andern augē/ fo fcharff zu vrteylen/ Vñ alle fchrifft/ fo von der Chriftenheit reden/ auff die leiblichen iungfrawen deutet/ Vnd was vom glauben die wort Gottes lagē/ das zeucht er mit den haren auff die iungfrawſchafft/ Welchs eim Chriflichen lerer/ gar vbel anftehet/ Darumb achten fie/ es fey etwa eins ketzers/ aus der Pelagianer oder Nouatianer fecten/ Epiftel/ vnter Hieronymus namen verkaufft. Mir gefellet das am aller ergften drynnen/ das er fo wüetet vnd tobet/ nicht wie ein lerer/ fondern wie ein Teuffel/ vber dem eignen fall des fleifchs/ als were hymel vnd erden eingefallen/ Vnd folte wol mehr zur verzweiffung denn zur buffe reytzen. Es folt ein folcher lerer den Teuffel/ vnd nicht einen armen funder/ odder gefallen menſch/ zum lerer haben. Jft doch des engftens/ ſcheltens/ ſchreckens / verdammens/ wider maſſe noch ende/ als wolt er die arme hure/ ynn abgrund der hellē ftoffen/ Vnd gibt dagegen nicht ein tröftlich wort/ von der vergebung der funden/ das arme verdampfte gewiffen zu erhalten fur verzweiff lung. Es hat nie kein lerer/ Hieronymus auch felbft nicht/ wie zornig er auch ift/ widder mord/ ia widder ketzerey/ odder wider die funde ynn heiligen geift/ die doch hundert

C3^v

die doch hundertmal ſchwerer ſind/ das zehend
teyl/ ſo gefürmet/ als dieſer feel mörder/ widder
ein arm weiblich/ gebrechlich gefelle fürmet.
Aber Myritianus hat ſie gefallen/ weil er gerne
wolt/ das ſo böſe ſein müſte/ als die Epiftel lautet/
hat aber die ſachen vngleich angeſehen/ vnd ſich
alſo beſchieffen/ ynn feiner kunft/ das wir alle von
feinem dreck beſprützt/ on vnſer ſchuld/ mit yhm
müſſen die ſchande tragen. Alſo beſchloffen wir
dieſe geſelſchafft/ das wir Myritianus lieſſen einen
Myriti Onos bleiben/ das mag er auch bleiben/
bis er demütiger werde/ vnd die gunft/ ſo er zu
Leiptzig vnd bey yderman/ durch ſeinen vbermut
verloren hat/ widder erlange. Grüſſet mir ewer
liebe haus mutter ſampt eworm lieben ſone. Ge-
geben zu Halle/ ynn meyner herberge/ Son-
tags nach Mauritij. Ym
M. D. xxviiij. Jar.

H W